

Q. D. B. V.  
DISSERTATIO MEDICA VIBILAEA SECVLARIS SOLENNIS  
DE  
MEDICORVM MERITIS  
IN  
AVGVSTANAM  
CONFESSIONEM

Q V A M  
EX DECRETO

GRATIOSI MEDICORVM ORDINIS  
PVBLICE PROPONENT

P R A E S E S

D. MARTIN. GOTTHELFF  
LOESCHERVS

PHYS. PROF. PVBL. ORD. MED. EXTRAORD.  
EIVSDEMQUE FACVLT. ASSESSOR

ET RESPONDENS

IOANN THEODOR. NICOLAI

VITEMB.

MED. CAND. ET PRACTICVS

AD D. XXX. JVNII ANN. SECVL. AVG. CONF. M DCC XXX  
IN AVDITORIO MAIORI.

---

VITEMBERGAE. LITERIS GERDESIANIS.



CONFESSIONEM  
AVGVSTANAM  
IN  
MEDICORVM MERITIS

D. MARTIN. GOTTHELF  
LOESCHERVS  
PHYS. PROF. PUBL. ORD. MED. EXTRAORD.  
ET RESPONDENS  
FACULT. MEDICINAE  
PRÆF. PUBL.

IOANN. THEODOR. NICOLAI

AD P. THEODOR. NICOLAI  
IN AEDIFICIO MAIORI  
MED. CAND. ET PRACTICVS  
VITÆ





I. N. I.

DISSERTATIO

MEDICA IUBILAEA SECVLARIS  
SOLENNIS.

I.



anno praesenti, qui nunc per di-  
uinam gratiam agitur, exhibi-  
tae Augustanae Confessionis  
Inuictissimo Romanorum  
Imperatori Carolo Quinto,  
Iubilaei Secundi, quo inter  
pia quae facimus vota, precesque quas ad Sum-

A 2

mum,



num Rerum Moderatorem fundimus, etiam ex Mandato Regio atque Electorali Serenissimo, solennitatibus Academicis uacamus, tanto animi nostri perfunduntur gaudio, ut fere laetitia diffluant, atque lacrymis non tristitiae, sed incredibilis hilaritatis testimoniis quasi profundantur. Nam quod ad me speciatim attinet, primus eram in hac Academia, id quod non absque intimiori cordis affectu laetabundus recordor, a quo publice in Solennitatibus Iubilaeis Philosophicis Magisterialibus et Secularibus more maiorum, etiam ante centum annos comprobato institutis, Omnipotentis Dei beneficia in nos collata, praedicare, eidemque pro istis deuotissimas agere gratias officii, quo tunc temporis perfungebar ratio exigebat. Maxime uero animum meum erigebat atque mirifice recreabat, quod praesenti omni laetitia Iubilaea pleno anno seculari, mihi potissimum licebat solennia haec Philosophica Secularia et Iubilaea peragere, atque magno cum gaudio celebrare. Quarta in praesenti Seculo per diuinam gratiam facimus sacra Iubilaea et secularia. Primo consummato Seculo praeterlapso post Christum natum decimo septimo, Summo Numini gratias agebamus deuotissi-

mas,



mas, pro praestita Ecclesiae Christianae per tot  
 Secula ex alto diuina gratia, illudque supplici-  
 bus uenerabamur precibus, uellet ulterius re-  
 bus nostris omnipotenter annuere, illasque di-  
 rigere in sempiternam Nominis sui gloriam.  
 Secundo annis duobus elapsis Solennia inci-  
 debant Iubilaea Academica, in quibus DEO  
 Ter Optimo Maximo pias decernebamus gra-  
 tes, pro per ducentos annos in florente statu  
 conseruata Alma nostra Matre, eiusdemque  
 gratiae ac omnipotentiae eandem etiam in fu-  
 turis temporibus humillime commendabamus.  
 Tertio post quindecim annos anno nimirum  
 millesimo septingentesimo decimo septimo,  
 inchoatae reformationis a Diuo Luthero su-  
 scepthae cum magna gloriae, omnipotentiae ac  
 gratiae diuinae praedicatione, ac adoratione  
 deuotissima renouabamus memoriam. Atque  
 hi dies Festi, quemadmodum ad Urbem no-  
 stram & Academiam propius pertinebant; ita  
 Prodromi erant, praesentis, quod uniuersam  
 respicit repurgatam Ecclesiam, Iubilaei. Feli-  
 cem itaque me, immo ter, quaterque felicem  
 praedicabam, cui diuina auxiliante gratia non  
 tantummodo tot gaudia Secularia uidere et  
 pie celebrare licuit, uerum etiam tunc tem-



poris incumbere Prologum Iubilaei totius Lutheranae Religionis, eiusdemque exhibitae Confessionis sinceræ et purissimæ Augustanae agere, atque Promotionem Philosophicam Magisterialem Secularem pariter ac Iubilaeam suscipere, susceptamque sub Tutela diuina peragere, et Oratione Solenni celebrare. Non possum quin hæc omnia cum incredibili animi uoluptate in memoriam reuocem, dum in præfenti ex Decreto Gratiosi Medicorum Ordinis, Dissertatio Iubilæa Medica et Solennis est conscribenda, cuius argumentum accommodatius et magis opportunum inuenire potui nullum, quam præfens quod meditator de Medicorum in promouendam Augustanam Confessionem Meritis, de quo cum Commilitone Nobilissimo atque Clarissimo, Medicinæ Candidato et Practico dignissimo publice differere, atque sententias conferre apud animum constitui. Faxit DEVS feliciter!

## II.

**D**e Medicorum meritis in Augustanam confessionem dicturi, nequiquam silentio præterire debemus, Artem nostram Salutarem  
ad



ad Cultum diuinum et religiosum suos cultores non uno modo inuitare. Medicus quippe Naturae minister, in Philosophia Naturali non hospes sit, omnino necesse est, sed eandem intimius perscrutetur, ut sufficientem sibi notitiam et Naturae humanae, quam in statu sano conseruare, et naturae remediorum, quibus hominem aegrotantem in integrum restituere potest, sibi acquirat. Vbi enim desinit Physicus, ibi incipit Medicus, atque scientiam Naturalem, ad medicinam sedulo, et magno cum fructu accommodat. Eo ipso uero dum his rebus intentus est Medicus, minime Omnipotentis Naturae auctoris obliuiscitur, sed eundem pie ac deuotissime ueneratur. Mundum quippe uniuersum si paulo attentiori animo considerat, multitudinemque et copiam corporum adeo inter se uariantium ex quibus constat, et quo pacto in eodem omnia diuino prorsus consilio sint constructa, adeo artificiose inter se conspirent, et diuino nutu adhuc hodie dirigantur, certe lapide durior censendus esset, nisi admirandis istis naturae ad adorationem et cognitionem Summi eorundem Conditoris commoueretur. Porro si speciatim oculos uersus coelum attollit, atque eiusdem lucem



cem suauissimam, et siderum innumerabilem copiam, ortus, obitus et cursus aspicit, omnemque mundi ornatum et pulchritudinem perspicit, ipsius tantorum operum factoris atque artificis Creatoris nostri digitum ubiuis deprehendit. Maxime uero in coelo Solis egregium sidus, prae aliis stellis eminet, atque radiis suis splendidissimis corruscat. Existunt igitur omnino in admirando Solis corpore varia, quae nos in admirationem sui, et maxime ipsius conditoris abripiunt omnipotentis, insignis magnitudo, splendor excellens, motus efficacissimus, perpetuus et constans, color vehementissimus et igneus, aliaeque. Haec omnia veteres quibus uera Dei cognitio erat incognita magna cum admiratione obseruauerant. Planetarum medius inquit PLINIVS Sol, fertur amplissima magnitudine et potestate, nec temporum modo terrarumque sed siderum quoque caelique rector. Hunc mundi esse totius animam, ac plenius mentem, hunc principale naturae regimen ac numen credere decet, opera eius aestimantes. Id quod Ethnicum Plinii testimonium de praestantia solis rite emendatum legimus apud ECCLESIASTICVM: Sed lucem annuncians, ait ille, in ortu machina admirabilis,



lis, opus altissimi. Quum meridianus torret regiones, quis ardorem eius ferre poterit! Ter tanto magis montes exurit, quam qui fornacem sufflat, accendendis operibus, uaporem igneum exhalat, atque splendor radiorum oculos perstringit. Magnus Dominus, illius effector, cuius iussu iter suum accelerat. Hoc loco maxime oportuno, sese offert vastissimum Regnum, uti a Physicis appellatur, variorum animantium et maiorum et minorum, quae in terra marique inueniuntur, atque partim nobis ipsis, partim uero ex relatione aliorum nobis nota et cognita sunt, ex quorum ineffabili numero, uarietate, mirabili motu, uita, multiplicatione, aliisque circa illa occurrentibus circumstantiis notatu dignissimis, Maiestas DEI Omnipotentis Creatoris satis superque elucefcit. Taceo breuitatis studiosus arborum, fruticum, plantarum, florumque elegantiam, nitorem, fragrantiam, uarietatem et admirandam copiam, uegetationem, aliaque sapientiam omnipotentis earundem auctoris mirifice manifestantia. Nec plura addo de Thesauris istis quae uel adhuc in gremio Terrae latent, uel cum grauiſſimo uitae periculo ab Metallifossoribus tanquam irritamenta malorum ex eadem



effodiuntur. Maiorem enim attentionem pariter ac admirationem merentur horrenda illa Irae diuinæ instrumenta, quibus hominum impiorum ac malefactorum saeuitiam, malitiam, libidinem aliaque uitia punire solet, motus terrae innuo, turbines, procellas, diluuia et inundationes aquarum, grandines, fragmina nubium, fulmina aliaque coeli et atmosphaerae incendia, quae ab hominibus ingenti cum stupore, uehementissimo terrore, atque deuotissima erga Maiestatem diuinam subiectione et conspiciuntur, et percipiuntur. Atque hoc pacto Dominum nostrum Coeli et terrae, ex Creaturis suis naturaliter consideratis facile possumus cognoscere. Iam uero quoniam uti supra diximus, ubi desinit Physicus, ibi incipit Medicus, si haec omnia corpora, et animalia, et Vegetabilia et Mineralia iuxta Artis nostrae leges inuestigamus et exploramus, deprehendimus mirificas et potentissimas medicandi uires ipsis inesse; et quidem animalia uel tota atque adhuc integra, uel quoad suas partes tum sibi relictas, tum arte chymica et medica praeparatas, cedere nobis remedia; uegetabilia tot radices, folia, cortices, ligna, flores, semina, fructus, succos, resinas, gummata etc. praebere, quae  
omnia



omnia iussu et consilio diuino in sanitatem hominis et conseruandam et recuperandam ex terrae superficie progerminant: et tandem intimiores terrae recessus potentissimas medicinas in maxime etiam contumacibus et rebellibus morbis usuales abscondere, ex quibus Medicus, uaria medicamenta nempe Tincturas, Essentias, Elixiria, olea, pulueres, Trochiscos, Pilulas, Salia, Emplastra etc. diuturniori experientia edoctus didicit, iisdemque diuina adiuuante gratia in Medicina facienda quotidie magno cum emolumento aequae ac solatio aegrotantium utitur.

### III.

**P**ateret equidem mihi campus amplissimus de hac materia iucundissima maiestatem diuinam ex natura demonstrante ulterius differendi, sed instituti mei ratio hoc in praesenti non permittit. A Macrocosmo itaque me consero ad Microcosmum, hominem scilicet ad Imaginem diuinam creatum, in quo certe nescio num eius nobilitatem, pulchritudinem corporis, proportionem partium eiusdem, uenustatem et fulgur oculorum, praestantiam sensationum, lingua



guae elocutionem, uultus elegantiam et mirabilem uarietatem, cerebri tenuissimam compagem, cordis machinam carnosam et musculosam, eiusdemque motum perennem, uerum, perpetuum et optimum mobile naturale, utpote etiam nostris adhuc temporibus a primo uitae momento, usque ad ultimum eiusdem terminum, absque ulla intermissione perdurantem, alimentorum longum satis canalem, aliaque elegantissima quae per artem Anatomicam in hominis corpore deteguntur ac demonstrantur, potius adducam, atque cum pio Rege Israelitarum Dauide exclamem; Laudo Te, quod stupendo modo et mirabiliter factus sum, mirabilia opera tua, et anima mea hoc agnoscit probe: an vero in ipsa anima immortalitatem, perfectionem spiritualem, Intellectum, uoluntatem, perceptionem, cogitationes, rationem, ingenium, affectus aliaque stupenda et nobis de mente notissima commemorem. Talem excellentem et diuino penitus consilio constructam machinam, qualis est homo etiam ratione corporis sui tantummodo consideratus, nemo hactenus conficere potuit, licet multi magno conatu illud praestare infelicissimo tamen cum successu ausi fuerint. Quo quidem loco notare con-

uenit



uenit REISELII statuat humanam circulatoriam, qua ad humani corporis effigiem mechanice, eiusque uasorum et uiscerum structuram et magnitudinem constructa, uarias actiones hominis repraesentare alloborauit, quam ipse in Ephemeridibus Germanorum delineauit. Non ignotum quoque est Sceleton Syluianum, in quo Venae, Arteriae, Neruique per filamenta ferrea et aenea cum ualuulis suis ostenduntur. Apud ueteres scriptores multa posteritati relicta legimus de statua Memnonis, Thebis apud Aegyptios in delubro Serapidis collocata, utpote quae sua sponte, cum mane radiis solis tangeretur, sonum emittebat suauissimum, et aliquid lacrymabile uesperis sub solis occasum proferebat, ac si ad eius aduentum laetaretur, et ad discessum tristaretur. Narrat etiam KIRCHERVS in *Oedipo Aegyptiaco* illam aliquando uoce humana locutam fuisse, id quod tamen ipse non per artem naturalem et licitam factum fuisse, sed diabolicam asseuerare non dubitat. Illum ipsum atque Albertum Magnum dicuntur confecisse caput quod loqui potuit, cuius structuram et conficiendi modum exposuit SCHOTTVS *Magia naturali*. Silentio ac lubentes praeterimus illas Machinas, quas hodie ex principiis



piis Mechanicis ét Musicis exstruere norunt artifices. Curiosum tamen est quod in Descriptione noua urbis Parisiensis gallico Idiomate exarata relatum legimus, existere ibidem artificem, qui non solum totam hominis Machinam eiusdemque interiora, eleganter atque ad uiuum materia quadam ceracea expresfit, atque curiosis peregrinantibus ostendit, uti satis notum est; uerum etiam promisit, se breui paraturum talem ceream humanam Machinam ita canalibus instructam, ut sanguinis in homine circulationem accuratissime ob oculos ponere queat. Id quod num reuera praestiterit, nondum ad aures nostras peruenit, interim facile intelligimus huius in farinae Machinis desiderari uitam et Essentiam hominis.

## IV.

**I**ta Medicus dum hominem in statu naturali contemplatur, ubique Maiestatem diuinam Summi eiusdem conditoris deprehendit, multaque quotidie argumenta inuenit, quae ipsum ad sui auctoris cultum religiosum ac deuotissimum impellere debent ac possunt. Multo magis uero opificia diuina adoranda obseruabit, in Pra-



xi Medica ad lectos aegrotantium accedens, ibidem enim multa testimonia misericordiae, omnipotentiae et Iustitiae diuinae inueniet. Misericordiam diuinam admirabitur, quando aegrotantibus grauisimis cruciatibus afflictis, et miserrime laborantibus, medicinam propinabit, ipsis adiuuante diuino auxilio saepius ad stuporem leuamen et solatium conciliantem. Omnipotentia uero diuina luculenter apparet, in iis qui morbo magno et acuto, cum grauisimo uitae periculo laborant, ubi experientia docet, unum uel alterum remedium a Medico prudenti cum circumspectione datum, ipsos e mortis faucibus celerrime quasi eripuisse. Iustitiae denique diuinae monumenta euidentissima, sunt pestilentia, omnesque morbi contagiosi et maligni, qui et aegrotos uehementissime uexant, omnem medicamentorum uirtutem respuunt, ipsosque cum grauissimis symptomatibus interficiunt. Optarem ex animo ut tunc cubili morientium pariter ac morti proximorum adstarent quidam increduli, qui mundo adhaerent et sacra negligunt, neque mortem et infernum perhorrescere curis et domesticis et ciuilibus obruti uidentur. Videbunt quid ualeant mortis conscientiae, et tentamina Satanae, quantas anxie-



anxietates, quantaque tormina crudelissima exinde percipiant miseri, quippe talia neutiquam pro deliramentis uti quidem uulgo fieri solent sunt habenda. At enim uero gratia diuina et operatio Spiritus Sancti euidentissime quoque et saepius in tali statu morbofo et periculoso est conspicua, quando post uexationem et anxietates manifestissimum solatium et mitigationem dolorum sentiunt, et licet moriantur magno tamen cum gaudio, nihil morbofo et letalitatis percipientes et quasi tripudiantes prae desiderio DEVM immortalem uidendi, uitam cum morte commutant.

## V.

Quae cum ita se habeant, facile apparere existimamus, Artem Medicam eiusdemque cultores a Theologia, Religione et rebus sacris neutiquam esse alienos, ut potius amice cum iisdem conspirent. Quapropter ut ad propositum ueniamus, merito Medicorum ipsorum in Augustanam Confessionem utpote Summam uerae et repurgatae religionis, prouti equidem fieri potuerit, breuiter perlustrabimus. Quoniam uero fundatio Academiae Vitembergen-  
fis

sis fundamenta jecit Reformationis ibidem a  
 Beato Luthero institutae, ex qua Augustana  
 Confessio ortum suum duxit, merita Polichiana  
 hanc in rem primo loco adducimus. MARTI-  
 NVS adeoque POLICHIVS de Mellerstad, ar-  
 tium et Medicinae Doctor, primus Academiae  
 Vitembergenfis Rector, eiusdem commenda-  
 tione et persuasione a Friderico III. fundatae.  
 Quum enim referente ANDREA SENNERTO,  
*Athen. Vitemb.* in Comitibus Wormatiensibus,  
 Anno MLCCCXCV. Imperatore Romano-  
 rum, Maximiliano I. communibus suffragiis de-  
 cretum fuisset, ut quisque Electorum Acade-  
 miam in suo Electoratu constitueret, Elector  
 Septemuir Saxoniae reuersus domum, cum suis  
 de loco eidem in suo territorio assignando de-  
 liberare incepit. Nominatis itaque ab aliis a-  
 liisque locis oppidisque aliis, modo laudatus  
 Polichius Mellerstadius, Francus, Medicus  
 nec non Comes quondam Electoris in Itinere  
 sacro Wittebergam nominauit. Subridente  
 primum Electore consilium Viri Sapientis, quod  
 tantae rei domicilium minus forte eidem uide-  
 retur Witteberga; respondisse fertur Meller-  
 stadius, non sine quadam indignatione: Cur  
 DEO diffidis Princeps Elector Clementissime,

C

certe



certe huic prouinciae et Ciuitati gratitudinis ergo cuiusdam beneficium hoc debes, cum quibus utpote Maiores Tui Electoratus dignitatem consecuti sunt. Haecque in hoc splendido minime loco condita Academia alias quondam, scias omnes Germaniae luce sua obscurabit. Tum ad haec Princeps Elector: ratum ergo faxit DEVS omen hoc: assentior: sit locus Academiae Witteberga. Ex quo factum etiam, ut primus ipse Academiae fundatae nouiter a Sapientissimo Principe Electore Rector nominaretur, fieretque. Fortassis Polichius iam suo tempore salubritatem aëris nostri, si coniecturae locus est, cognouit atque ideo inter alias causas hunc locum maxime bonis literis ac studiis consecrandum esse iudicauit. Namque dissimulare neutiquam possumus, Urbem nostram prae aliis ciuitatibus et locis aëre saluberrimo gaudere, propter accessionem aëris liberiores ab ortu in occalum, puritatem aquarum, delicitatem, et alias rationes de quibus alibi copiosius uerba fecimus. Plura de Polichio notatu dignissima commemorat ANDREAS SCHATO Artis Medicae in hac Academia Doctor et Professor Publicus celeberrimus Oratione Seculari in Iubilaeo Academico Primo nomine

mine Collegii Medici habita. Vt autem me-  
 moria, inquit, ibidem meritorum eius Viri, er-  
 ga nascentem primum deinde adolescentem,  
 Academiam ad posteros extaret, primus eius,  
 Rector constitutus fuit, principemque in hac,  
 locum quoad uixit, obtinuit. Primus etiam,  
 Mellerstadius fuit, cui Doctoris in Theo-  
 logia Titulus, et insignia hic sunt tributa.  
 Non longe ab inaugurationis Academiae tem-  
 pore, a Martino Mellerstadio Bernhardus,  
 Schiller in Doctorem Medicinae promotus,  
 est, factus postea Ordinarius Medicinae Pro-  
 fessor in Friburgensi Brisgoiae Gymnasio.  
 Sicut autem Mellerstadius noster quamdiu ui-  
 xit in hac Academia, ei labores et operas suas,  
 impendit suas uniuerſas: ita post mortem facul-  
 ratum quoque eius pars magna ad eandem re-  
 diit. Nam Frater Valentinus Polichius ut gra-  
 ta Martini memoria apud nos retineretur, facto,  
 testamento, mille aureos, quorum pars maxima,  
 haereditate ipsi a Fratre uenerat, hic collocari,  
 iussit, de quorum fructibus annuis, subsidia fe-  
 rantur adolescentibus ex Polichiorum familia,  
 aut aliis etiam, qui studiorum causa in hac Aca-  
 demia uersantur., Quo beneficio adhuc hodie  
 Polichii superstites, aliique eorum necessarii  
 fruuntur, atque adeo istud ultra ducentos et



quod excurrit annos fideliter ab Academia continuatum et administratum fuit. Quod etiam Luthero addictissimus fuerit, patet ex eius, de eodem iudicio, quod refert Bismarcus in Vita Polichii, et ex hoc B. D. WERNSDORFFIVS *Disputatione de Historia Augustanae Confessionis*. Nam cum Polichius, Lutherum subinde audiret Scholasticorum oppugnare doctrinam, Sacrasque literas omnibus Thomae, Scoti, Alberti aliorumque commentis et subtilitatibus anteponere, conuersus ad suos dixit: *Der Münch wird alle Doctores irre machen / und eine neue Lehre auffbringen / und die ganze Römische Kirche reformiren.*

## VI.

**R**ectorem Primum Academiae Wittebergensis, excipit Rector eiusdem Anno primo Seculari Augustanae Confessionis exhibitae AMBROSIVS RHODIVS Kembergensis, Phil. et Med. D. et Mathemat. Super. Professor Publicus, quo Rectore uti legimus apud Sennertum l. c. Solennitas Iubilaea, ob exhibitam ante hoc centum annos Carolo V. Imperat. Confessionem Augustanam celebrata est. Constat uero inter omnes, quod hae Solennitates ipso Promotore

motore et adiutore se omnibus bonis, et dicto et nostro tempore summopere commendaerint. Eius etiam Zelus et ardor in promouendis hisce festiuis Iubilaeis diebus ex Intimatione Academica in memoriam Secularem exhibitae Augustanae Confessionis satis superque elucet. Vbi inter alia potissimum sequentia uerba summe memorabilia sunt : Dominus et Nutricius noster Clementissimus Solennem ac triduanam festiuitatem, qua ipse centesimus religionis nostrae professae in Augustanis Comitibus, publiceque assertae natalis celebraretur, instituendam ac peragendam subditis suis uniuerfis indixit atque praescripsit. Non ut inanibus Spectaculis ac pompis, quae momentanea uoluptate delectant, et simul subductae oculis sunt, euanesce-  
re solent, otiosi et feriatii homines detinerentur, uerum ut Deo immortalis, pro ineffabili bonitate in genus humanum et illis nullius unquam uoce satis depraedicandis beneficiis, quae in nos hactenus uberrime, qua reuelando, qua tuendo ac conseruando ueritatem contulit, debitae laudes ac gratiae publice redderentur. Neque enim ulla alia re ad beneuolentiam inuitare Deum magis possumus, quam si agnoscamus, summa eius in nos beneficia, gratiasque agamus pura mente : quod efficacissimum rogandi genus semper fuit.



## VII.

**A**mbrosio Rhodio addimus eiusdem Collegam coniunctissimum DANIELEM SENNERTVM Medicinæ Doctorem, Facultatis Medicæ Seniore, Serenissimi Electoris Saxoniae Medicum Primarium, de cuius opera pariter atque curâ in adornandis, præparandis illustrandis et celebrandis Solennitatibus Iubilæis nulli dubitamus, utpote qui Rhodii in Rectoratu erat antecessor et Facultatis suæ Senior.

## VIII.

**N**eque prorsus reticere debemus NYMANNVM et PELZHOFE RV M etiam Medicos Collegii Wittebergensis celeberrimos. Ex quibus GREGORIUS NYMANNVS Wittebergensis circa annum Secularem edidit elegantem dissertationem de Vita foetus in utero. IOHANNES GEORGIUS PELZHOFE RV S Graecio Styrius Facultatis Medicæ tunc Decanus, ipso Anno Seculari duos creavit Medicinæ Doctores. Vterque interim procul dubio nihil prætermisit, quod ad promouendum et illustrandum splendorem et solennitatem huius Iubilæi poterat pertinere.

## IX.

**E**odem Anno Seculari et Iubilæo IOHANNES HENRICVS HEINZIVS Philof. et Med. Doct. et p. t. Procancellarius, Lipsiæ Orationem Iubilæam Mense Iunii habuit, satque M. Iohanni Michaelis Sufutensi Westphalo Artis Medicæ Baccalaureo Gradum Doctoratus auctoritate publica tribuit. Atque hac occasione in Programme Inuitatorio ad hunc Actum edito, quanti fecerit Augustanam Confessionem sequentibus uerbis optime expressit: quarum Solenni-  
tatum,,



tatum Academicarum Iubilaeorum, initium bono cum,  
DEO factum est die Lunae, ubi Templum Academi-  
cum non sine stupore audiuit Diuinum Oratorem et,  
Poetam egregium, qui DEI OPT. MAX. in ador-  
nando benigne Augustanae Confessionis opere cle-  
mentiam, in propugnando mirabiliter sapientiam, ac,  
in conseruando fortiter potentiam summam deprae-  
dicarunt. Collegium quoque Principum maius au-  
ctoritatem Augustanae Confessionis, contra Roma-  
nensium sophisticationes, in publico disputationis,  
Actu, mascole assertam uidit.,

## X.

**C**aeterum non dubitamus, Medicos quoque aliarum  
Academiarum et Ciuitatum Augustanam Confes-  
sionem eiusdemque sacra solennia Iubilea cum applausu  
excepisse, atque in huius rei testimonium adducimus  
duo, Carmina Coburgensia.

Viro Reuerenda dignitate, eximiam uerae pietatis  
ac eruditionis laude clarissimo, DN. M. PHILIP-  
PO ESCHENBACH, Ecclesiae Patriae Diacono  
meritissimo, Dn. et Amico suo plurimum honorando et  
amando; Festum Augustanae Confessionis Iubilaeum,  
uena Poetica celebranti, hisce breuibus ac extempo-  
raneis bono animo gratulabundus applaudit.

*Sancta Lutherani quod cantas iubila Festi,*

*ESCHBACHI, O patrii magne Propheta soli!*

*Augustos fidei purae tua uena per orbem*

*Quod Confessores splendida concelebrat;*

*Rem facis officio dignam, quam gloria Christi,*

*Et tua quam uirtus, uenaque sacra iubet.*

*Perge; Procellosa Ecclesia fluctuet undis;*

*Archonauta tamen Christus in hac uigilat.*

*In-*



*Inflammet Pelagus Papa, Cerberus ipse minetur  
 Exilium, extremum fulminet exitium  
 Fulminet, excruciet, perimat, comburat, inundet  
 Augustos sanæ Chrīstīcolas fidei;  
 Stant inuicta tamen diuini Numina uerbi,  
 Quēis immota manet cymbula Sancta Dei.*

Valentinus Rumpelius, Phil. et Med. D.

Aulae Saxo Cburg. Med. d. 30. Nouembr. Anno quo

*VIVIT DOMINVS noster IesVS ChrīstVS.*

*Quod, perdocte, piis, ESCHENBACHERE, celebras  
 Carminibus sacra dona Dei, sacra munera, nostri;  
 Munera nempe sui purissima dogmata uerbi*

*Saxonibus prae aliis olim data, iamque per annos  
 Centum conseruata, licet fremat orbis et orcus:*

*Quippe Ministerio diui prolata Lutheri.*

*O factum hoc ardens, condignum laude perenni*

*Omnes, Augustana quibus Confessio cordi est,*

*Quidni pectore et ore, et tota mente sequemur?*

*Grati, Ioua, Tibi, ter Maxime et Optime semper*

*Dicamus laudes, et iubila iusta canamus,*

*Atque ita praeconum nostrorum uota sequamur;*

*Vota piis precibus iungentes iubila uotis:*

*Vt Deus et serae hoc condonet posteritati,*

*Quo tandem salui FOVAM celebremus in acuum.*

Anno Chrīsti 1630.

*ECCLesla LViberana CeLebrat AVgVstanae ConfessionIs  
 IVbILeVM.*

*AnnVS en est IVbILeVS DItIonIs LViberanorum.*

Michael Schönius D. Medicus Aulicus Coburg.

Atque haec sunt Lector Beneuole, quae festinante calamo, et inter concatenata negotia, in propositam materiam commentari propter temporis penuriam breuiter potuimus, quae omnia, ut aequi bonique consulas enixe rogamus atque contendimus.